

Arkiv: FA-S01, FA-S82
JournalpostID: <jplD> 20/37390
Saksbehandlar:
Dato: 18.06.2020

Saksframlegg

Saksnr.	Utvalg	Møtedato
073/20	Alver kommunestyre	25.06.2020

Vindkraft på land - uttale

Rådmannen sitt framlegg til vedtak:

Rådmannen legg fram saka til politisk drøfting.

Alver kommunestyre 25.06.2020:

Behandling:

Framlegg frå KRF, AP, H og SP ved T.Larsen-H:

Friluftslivets plass i folkedjupet er like rotfesta som furuskogen. Friluftslivet er ein av dei verdiane innbyggjarane i Noreg set aller høgast. Det samlar familien, gjerne mange generasjonar om gongen, det fremmar leik, glede og folkehelse og er ei referanseramme som nordmenn flest har felles.

Vi har vore velsigna med mykje natur, verdifull natur. Vi har teke han i bruk til beiting og jakt, til trening og rekreasjon. Vi haustar av naturen og vi ser og lærer oss å forstå kor mange og store tenester han yter oss. Den nære relasjonen som vi får til naturen gjennom friluftslivet, er slik til samfunnsnytte på alle vis. Naturen gjer noko med oss, naturen ligg der – klar til bruk og den gjev oss overskot til kvardagen, den gir oss livskvalitet og glede.

No er enorme vindkraftverk under planlegging i vår natur. For kvart kraftverk som blir realisert i våre fjellområde taper vi som kommune og nasjon litt meir av det vi lever for og av: naturmangfald, økosystem, landskap, fred, fridom og friluftsliv. Planane som ligg på bordet i fylket vårt, men også planar som er under arbeid som berører Alver vil representere samla sett det største inngrepet i norsk natur på denne sida av istida.

Alver kommunestyre vil derfor stille seg bak tidligere uttalar frå Lindås, Meland og Radøy kommunar der alle tre kommunane har sagt eit tydeleg nei til vindkraft industrianlegg i fjellområda.

Alver kommunestyre vil peike på at fornybar energi er viktig og riktig, men vindkraft på land i fjella, i verdifull natur er ikkje løysinga for å nå målet om meir fornybar. Der er mange andre tiltak som vi vil peike på som bla havvind, hydrogen, utnytte vasskrafta meir og ruste opp eksisterende vasskraftverk slik at dei kan produsere meir, solenergi etc.

Alver kommunestyre tek eit klart verdival når vi seier eit tydeleg nei til vindkraft på land i fjellområda våre og der friluftslivet står sterkt.

Alver kommunestyre skal utarbeide både ein samfunnsplan og kommuneplan for arealet i Alver kommune og vil i desse planane kome attende til temaet vindkraft og anna fornybar energi.

Alver kommunestyret meiner difor:

* Alver kommune stiller seg bak tidlegare uttalar frå Lindås, Meland og Radøy kommunar der alle tre kommunane har sagt eit tydeleg nei til vindkraft industrianlegg i fjellområda.

* Alver kommune ber regjeringa endre handsaminga av arealspørsmål til vindkraft frå energilova til handsaming etter Plan og Bygningslova.

* Alver kommune vil ikkje gje dispensasjon frå gjeldande arealplanar i kommunen til bygging av vindkraftanlegg og tilhøyrande infrastruktur t.d som vegar og bygningar.

* Alver kommune vil peike på at å planlegge og evt. å opne områder for vindkraftanlegg i ein kommune vil påverka nabokommunar i stor omfang, dette forholdet vil bli betre ivare tatt ved ei endring for vindkraftsøknader frå energilova til Plan og Bygningslova.

Framlegget vart samrøystes vedteke.

Framlegg om tillegg til posisjonens framlegg frå A.U.Nordlund-SV:

Legge inn i teksten etteristida: Norge står ikke bare overfor en klimakrise, men også en naturmangfoldskrise.

Framlegget fekk 10 røyster og fall 5SP, SV, 3H og MDG

KO- 073/20 Vedtak:

Friluftslivets plass i folkedjupet er like rotfesta som furuskogen. Friluftslivet er ein av dei verdiane innbyggjarane i Noreg set aller høgast. Det samlar familien, gjerne mange generasjonar om gongen, det fremmar leik, glede og folkehelse og er ei referanseramme som nordmenn flest har felles.

Vi har vore velsigna med mykje natur, verdifull natur. Vi har teke han i bruk til beiting og jakt, til trening og rekreasjon. Vi haustar av naturen og vi ser og lærer oss å forstå kor mange og store tenester han yter oss. Den nære relasjonen som vi får til naturen gjennom friluftslivet, er slik til samfunnsnytte på alle vis. Naturen gjer noko med oss, naturen ligg der – klar til bruk og den gjev oss overskot til kvardagen, den gir oss livskvalitet og glede.

No er enorme vindkraftverk under planlegging i vår natur. For kvart kraftverk som blir realisert i våre fjellområde taper vi som kommune og nasjon litt meir av det vi lever for og av: naturmangfald, økosystem, landskap, fred, fridom og friluftsliv. Planane som ligg på bordet i fylket vårt , men også planar som er under arbeid som berører Alver vil representere samla sett det største inngrepet i norsk natur på denne sida av istida.

Alver kommunestyre vil derfor stille seg bak tidlegare uttalar frå Lindås, Meland og Radøy kommunar der alle tre kommunane har sagt eit tydeleg nei til vindkraft industrianlegg i fjellområda.

Alver kommunestyre vil peike på at fornybar energi er viktig og riktig, men vindkraft på land i fjella, i verdifull natur er ikkje løysinga for å nå målet om meir fornybar. Der er mange andre tiltak som vi vil peike på som bla havvind, hydrogen, utnytte vasskrafta meir og ruste opp eksisterende vasskraftverk slik at dei kan produsere meir, solenergi etc.

Alver kommunestyre tek eit klart verdival når vi seier eit tydeleg nei til vindkraft på land i fjellområda våre og der friluftslivet står sterkt.

Alver kommunestyre skal utarbeide både ein samfunnsplan og kommuneplan for arealet i Alver kommune og vil i desse planane kome attende til temaet vindkraft og anna fornybar energi.

Alver kommunestyret meiner difor:

* Alver kommune stiller seg bak tidlegare uttalar frå Lindås, Meland og Radøy kommunar der alle tre kommunane har sagt eit tydeleg nei til vindkraft industrianlegg i fjellområda.

* Alver kommune ber regjeringa endre handsaminga av arealspørsmål til vindkraft frå energilova til handsaming etter Plan og Bygningslova.

* Alver kommune vil ikkje gje dispensasjon frå gjeldande arealplanar i kommunen til bygging av vindkraftanlegg og tilhøyrande infrastruktur t.d som vegar og bygningar.

* Alver kommune vil peike på at å planlegge og evt. å opne områder for vindkraftanlegg i ein kommune vil påverka nabokommunar i stor omfang, dette forholdet vil bli betre ivaretatt ved ei endring for vindkraftsøknader frå energilova til Plan og Bygningslova.

Politisk handsaming

Saka skal avgjerast i kommunestyret

Bakgrunn:

Dei tidlegare kommunane har gitt uttale knytt til vindkraft på land. Uttaler frå kommunane ligg som vedlegg i saka.

Det er politisk ønskje om å lage ein uttale for Alver kommune. Rådmannen legg fram saka til politisk drøfting

Vedlegg i saken:

18.06.2020	Nasjonal ramme for vindkraft på land - Høyringuttale 19.09.2019 Radøy	1408340
18.06.2020	Nasjonal ramme for vindkraft på land - Høyringuttale 25.09.2019 Meland	1408341
18.06.2020	Nasjonal ramme for vindkraft på land - Høyringuttale Lindås 27.06.2019	1408342
18.06.2020	Nasjonal ramme for vindkraft på land - tilleggssuttale frå Lindås kommune 26.09.2019	1408343